

Na osnovu člana 16. Zakona o upravi („Službeni glasnik Bosne i Hercegovine“, broj 32/02, 102/09 i 72/17), člana 48. i 49. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine, broj 59/07 i 59/09) i člana 7. i 12. Statuta Agencije za razvoj visokog obrazovanja i osiguranje kvaliteta Bosne i Hercegovine („Službeni glasnik Bosne i Hercegovine“, broj 86/09), direktor Agencije za razvoj visokog obrazovanja i osiguranje kvaliteta Bosne i Hercegovine, uz saglasnost Upravnog odbora Agencije, sa 8. sjednice, održane 16.12.2022. godine, donosi

**ODLUKU O NAČINU FORMIRANJA KOMISIJE ZA IZBOR DOMAĆIH I
MEĐUNARODNIH STRUČNJAKA KOJI DAJU OCJENU I OBAVLJAJU REVIZIJU
KVALITETA I DAJU PREPORUKE O AKREDITACIJI VISOKOŠKOLSKIH
USTANOVA I STUDIJSKIH PROGRAMA**

Član 1.

(Predmet)

Ovom odlukom određuje se način formiranja Komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa (u daljem tekstu: Komisija), uslovi za imenovanje člana Komisije, mandat članova Komisije i način rada Komisije.

Član 2.

(Sastav Komisije)

- (1) Komisija ima pet članova.
- (2) Komisiju čine je po jedan predstavnik:
 - a. Rektorske konferencije Bosne i Hercegovine,
 - b. jednog kantonalnog ministarstva obrazovanja,
 - c. nadležnog ministarstva obrazovanja Republike Srpske,
 - d. nadležnog odjeljenja za obrazovanje u Brčko distriktu Bosne i Hercegovine i
 - e. Agencije za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija).
- (2) Članovi Komisija se imenuje na period od tri godine, sa mogućnošću ponovnog imenovanja još jedan mandat uzastopno.
- (3) Komisija ima sekretara kojeg imenuje direktor Agencije iz reda zaposlenih u Agenciji.

Član 3.

(Uslovi za člana Komisije)

- (1) Uslovi za člana Komisije su:
 - a) visoka stručna sprema, s tim da prednost imaju kandidati sa izborom u naučno-nastavno, nastavno ili umjetničko zvanje,
 - b) iskustvo u reformi visokog obrazovanja,
 - c) sposobnost timskog rada,

- d) znanje engleskog jezika,
 - e) znanje rada na računaru.
- (2) Ispunjavanje uslova za člana Komisije utvrđuje nadležni organ koji predlaže člana Komisije.

Član 4.

(Prijedlog za člana Komisije)

- (1) Nadležni organi iz člana 2. stav (2) ove odluke, na zahtjev Agencije predlažu člana Komisije.
- (2) Član Komisije iz Agencije je državni službenik iz Sektora za osiguranje kvaliteta kojeg odredi direktor Agencije.
- (3) Predstavnik jednog kantonalnog ministarstva predlažu kantonalna ministarstva nadležna za visoko obrazovanje, a izbor jednog člana od predloženih članova će izvršiti direktor Agencije.
- (4) Rok za predlaganje člana Komisije je 15 dana od dana prijema zahtjeva Agencije.
- (5) U slučaju da u navedenom roku nadležni organi iz člana 2. stav (2) ove odluke ne predlože člana Komisije, Agencija će ponoviti zahtjev za predlaganje člana Komisije, a ako neki od nadležnih organa ne izvrše predlaganje člana Komisije u dodatnom roku od 15 dana, Agencija će imenovati člana Komisije iz nadležnog organa i o tome obavijestiti organ koji nije u dodatnom roku predložio člana Komisije.

Član 5.

(Imenovanje Komisije)

- (1) Nakon dostavljenih prijedloga za imenovanje članova Komisije, direktor Agencije donosi rješenje o imenovanju Komisije na period od tri godine.
- (2) U slučaju da imenovani član Komisije ne obavlja poslove člana Komisije ili nije u mogućnosti da obavlja poslove člana Komisije, o tome će biti obavješten organ koji je predložio toga člana Komisije i Agencija će uputiti zahtjev za predlaganje novog člana Komisije.
- (3) Novi član Komisije se imenuje na period do isteka mandata prethodnog člana Komisije.
- (4) Ukoliko član Komisije za vrijeme trajanja mandata u Komisiji, prestane sa radom u organu koji ga je predložio za člana Komisije, taj organ je dužan da o tome obavijesti Agenciju i da predloži novog člana Komisije, a član Komisije kojem je prestao rad u organu koji ga je predložio za člana Komisije nastavlja rad u Komisiji do imenovanja novog člana Komisije.

Član 6.

(Rad Komisije)

- (1) Komisija radi u sjednicama.
- (2) Na prvoj konstitutivnoj sjednici članovi Komisije biraju predsjednika Komisije iz reda članova Komisije.
- (3) Način rada Komisije bliže se uređuje Poslovníkom o radu Komisije, koji se donosi na prvoj konstitutivnoj sjednici Komisije.
- (4) Stručne i administrativne poslove Komisije obavlja sekretar Komisije.

Član 7.

(Sjednice Komisije)

- (1) Sjednice Komisije se održavaju po potrebi.
- (2) Sjednice Komisije zakazuje predsjednik Komisije.
- (3) Sjednice se po pravilu održavaju u sjedištu Agencije, a ukoliko postoje opravdani razlozi mogu se održati i van sjedišta Agencije.
- (4) Sjednice Komisije se mogu održavati i elektronski.

Član 8.

(Naknada članovima Komisije)

- (1) Članovi Komisije imaju naknadu za rad u Komisiji u skladu sa propisima koji određuju naknadu za rad članova Komisije u institucijama Bosne i Hercegovine.
- (2) Rješenje o naknadi za rad u Komisiji, donosi direktor Agencije.

Član 9.

(Stupanje na snagu)

- (1) Ova odluka stupa na snagu danom donošenja i objavljuje se u „Službenom glasniku Bosne i Hercegovine“.
- (2) Stupanjem na snagu ove odluke, prestaje da važi Odluka o načinu formiranja Komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“, broj 88/09) i Odluka o izmjenama i dopunama Odluke o načinu formiranja Komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“, broj 2/18).

Broj: 05-02-2-139/23
23.mart 2023.godine
Banja Luka

DIREKTOR
prof. dr. **Enes Hašić** s.r.